

李文饒文集



李衛公集

四部叢刊初編集部

上海商務印書館縮
印常熟瞿氏藏明本

李文饒文集序

會昌一品制集

桂管都防禦觀察處置等使正議大夫持節
桂州諸軍事守桂州刺史兼御史中丞上柱
國榮陽魏開國侯食邑一千戶鄭亞撰

綸綽之與載籍之始先王發號施令明罰教法蓋本
於此也唐虞之盛二典存焉夏殷之隆厥有訓誥自
胤征其誓乃有誓命之書皆三代之文一王之法也
虞夏之際代祀綿遠其代工章制之名氏莫得而知
至于成湯太甲則有仲虺伊尹爲之訓誥高宗得傅
說則有說命之篇周公召公相成王則有洛誥酒誥
周官顧命秦始皇帝并一區宇丞相李斯書掌其言
漢興當秦焚書之後侍從之臣皆不習文史蕭曹之
輩又乏儒墨之用每封功臣建子弟其辭多天子爲
之縱委於執翰者亦非彰灼知名之士武帝使司馬
相如視草率皆文章之流以相如非將相器也厥後
寢微寔長下于魏晉亦代有其人我高祖革命隋文物
大備在貞觀中則顏公師古岑公文本與焉在天后
時則李公嶠崔公融出焉燕許角立於玄帝之朝常
楊繼美於代宗之世洎憲宗皇帝英武啓運雄圖赫
張中興之業高映前古其時則先太師忠公翺翔內

署有密勿贊佐之績平吳定蜀時惟其功及登樞衡
作霖雨導王室卑諸侯圖蔡料齊外定內理顯王言
於典誥彰帝範於圖籍紀在徽冊播於無窮特進太
子少保分司東都衛公長慶中事惠皇爲翰林學士
訓誥之業彰於前聞昭肅皇帝統握乾符寤寐良弼
詔自淮海復升台庭盡付玄機允猷神度每彤庭奏
罷別承天曉帝亦講伊訓說命之旨定元首股肱之
契以太平之制度上古之文教咸屬於公焉會先太
后懿號未立帝明發有永懷之痛公述沙麓神井之
瑞贊統極懷日之慶懋連聖緒光慰孝思於是承命
有宣懿耐廟之制及武宗郊昊天拜清廟文物胥備
朝庭有禮華夷述職河朔修貢乃顯神休薦徽號奉
揚一德以示萬方於是撰仁聖文武至神大孝之冊
封域無虞天子脩然有求互之思乃範貞金模聖表
隆準日角燭于宮庭中外臣寮咸欲頌山河而褒日
月也公於是聖容之贊天街之北德齋攸居因饑
憑凌怙衆強禦嚴之以刀斗而勒爾無懼申之以文
告又坦然不率天子震怒旋命征之公獨運沉機上
資神斷萬里勝負決於帷中雷霆既震大羊遂潰虜
贊披扶腥膻解離遁其名王復我黃主公於是討

北狄之詔天寶末薊門爲首亂之地長安並蒙榛棘襲世未平至是漁陽帥張仲武掃除僭亂賊獲仇雠牽楊威神乃底靖仍願勒石於陰山之塞以顯聖功飛章上聞帝用允若公極渙汗明命舒展格吉呼嘯神祇吐納萬華當畫而文星現不寐而白鳳來彰諸侯不朽之勲廣元后無爲之化公於是幽州紀聖功之碑踰帥劉從諫死其子因關河之險恃甲兵之衆乃敢揚聲進討非命王庭中外疑迷牙撓天聰帝疑思奮神武公累登奇謀且曰重耳在喪不聞利父死輒棄受戮松以拒君况明皇舊官天井內地踰連河北倚山東豈可行有匪人坐爲汙俗若是可忍孰不可容沃小無疑躡足乃定又曰上黨居天下之脊當河朔之喉今漳水雖兵常山勁卒是爲唇齒實懼因依不若乘其未萌制其將動帝俞其奏乃妙選使臣以勞論之嚴立刑賞以勸戒之魏侯勑力從命絕臺關之右臂收沁水之上游獲茲渠魁在此成筭又轅門叛將橫水餘寇竊上相之旌旗盜晉陽之堯鎗帝怒斯赫人心愈疑咸以師老于郊泉巢尚固議罷兵者致聚請者過者雷同公又揚笏而言曰彼地則義師帥分宗室是互祖勤商之邑后稷造周之邦

氏隄具存堂構斯在苟屬策畫不襲仇讎則是樊鄴年逐主之風長冒頻射親之俗詩傳築室于道書謂疑謀勿成由是洞啓宸衷大破群議運籌制勝舉無遺冊防微慮遠必契神機授鉞之臣伏膺承命謝安之圖基尚劫曹參之飲酒方酣果有軍書奏聞戎捷砥磨周鉞水泮鄭刀萬里來表尚之頭顱二塚莢蚩尤之肩髀歡聲雖震於朝市喜氣不見於形容何其纂立功勲鎮定風俗若是之重也公於是有伐上黨之制平晉陽之敕宗英可汗獻琛輸寶越自絕域通于本朝文舉伯士胤呼韓谷蠡之師或執王而朝靈囿或解辮而拜甘泉並垂於史冊光被明命公於是

有論回鶻之命五慰堅昆之書四文章等於訓傳機事出於神明固特偃仰邱石之符微晚鬼籍之錄聞之者可以祛聾瞶得之者可以弼邦國每牙管既拔芝泥將熟嘗於前席親授筆札公亦分陰可就簡如飛時有急宣關於密畫內庭外制皆不與聞或勢切疾雷幾難終日宣室未召武帳莫開公則疏於封章建於燒尾當乙夜觀書之際未嘗不備美再三此文豈可與賦洞簫而飄於後庭聞于虛而嗟不同世者論功較德邪歲在乙丑群公常伯以天子之道貫于

神抵一年而風雨攸序災沴不作一年殲醜虜北伐之詩四年誅狡童錄東征之歌而又伐摩屋之風壞浮屠之俗偃兵反朴四海胥定思欲增鴻名光下武公乃觀東序之圖按西崑之謀鋪舒名實藻繅文質類于上帝爲唐神宗公於是纂章天成功神德明道之冊文號位旣畢華夷會同方將命禮官召儒者訪臣銜后土之議採公玉明堂之圖考肆覲之禮於果生取封禪之書於太子盡皇王之盛事極臣子之殊功而軒昂將成禹書就掩然猶遺先聲之藝獻高手之醫藏周旦請代之書追漢宣易名之美作爲大誥析于昊天始終一朝紹續九德其功閎也旣如彼其制作也又如此故合武宗一朝冊命典誥奏議碑贊軍機羽檄凡兩帙二十卷輒畧曰會昌一品制集紀年追聖德也書位旌官業也歲在丁卯亞自左掖出爲桂林九月公書至自洛以典誥制命示于幽鄙且使爲序以集成書尋玄珠不究於倪域聽希聲莫窮於高下承命震惴幾移朝夕援筆而復止者三四伏念江陸脩滢辭讓不及因濟絮以叙焉夫全功難持大名難兼日赫於晝而乏清媚月皎於夜而無溫煦冬之爲候也則雪霜飄暴凍入肌髮夏之爲用也則

金流石燦火走膚脉如陽春高秋者稀焉南則瘴風毒虺之爲厲也北則獫狁黠虜之爲患也如維也咸秦者幾焉鵬鷺不傳之以馳騁驕驕不授之以審耆如應龍者緋焉仲尼聖賢之宗也位止於司寇師聃道德之祖也官不過柱史如姬旦者幾焉是以保衡傳說左右殷宗召公畢公寅亮周室咸著大訓克爲元龜書契以來未之多有李斯以刻石紀號之文勝而不在休明之運又何足數哉周勃霍光雖有勲伐而不知儒術枚臯嚴忌善爲文筆而不至廊廟自是已降其類寔煩惟君蓋開物致君之才居元弼上公之位建靖難平戎之業垂經天緯地之文粹乎厥躬由是人仰德蓋四序之陽春九州之咸維品彙之應龍人中之姬旦也後之學者其景行之

李文饒文集卷第一

會昌一品制集

徽冊讀

上尊號王冊文

仁聖文武至神大孝皇帝具容讚并序

上尊號王冊文 會昌二年 奉教撰

維會昌二年歲次壬戌四月乙丑朔十四日戊寅攝
大尉光祿大夫守司空燕門下侍郎同中書門下平
章事臣德裕錄光祿大夫守尚書左僕射兼門下
侍郎同中書門下平章事臣夷行金紫光祿大夫尚
書右僕射兼中書侍郎同中書門下平章事臣拱銀
青光祿大夫守中書侍郎同中書門下平章事臣李
紳及文武百官金紫光祿大夫檢校司徒兼太子太
保臣僧孺等六十五百七十四人吉臣聞義皇帝若
古之號成湯顯神武之稱我高祖皇帝是憲尊名若
古貽厥丕訓焉子孫之法豈不善始善述哉紉乃臣
唐受命繼體承業運將至大君以興吳穹所以開
至聖也曩者明而未定帝華不協捨龍傳聖深惟至
公先府所以昭天命也亦猶先發於唐虞文興於代
郊神明之祚不其難哉伏惟皇帝陛下清明溥電光
耿四海玄德莫鄰天休大慶日角見表氣志如神爰

初定命正心理物如履居極而天下無邪矣由是昭
德塞述事實遠伐禹不自滿成不敢康罔盤于田不
通于色自閭臺以施王教由家道而刑國風去比周
嚴名實卑乾綱擇聖紀修舊典協誠質挖嘉壇欽泰
一進正臣以端治表禮故老以求讓言遠無蔽欽近
無留命祈玄祖而膏雨降祀靈岳而嘉穀登省刑罰
而逢乎消災倉廉而蠶螟息去歲龍旂承祀大輅親
郊捧玉璽而一獻光靈來格振金石而六變饒寶昭
臨然猶古訓是學詳熙于道天文炳煥雲漢其章溫
恭教遜承太任之教和樂愷悌洽戚藩之心德風偃
于群黎成憲動乎絕域又以教養不逮於長樂昭配
未升於櫺宮每懷嗣徽烝烝而恭所以奉若慈訓對
越兩儀因心立制永錫其教寬度劉之罪與側隱之
仁回電收霜焉之反汗及單于慕義景附朔邊耀德
戰矣謙臨是受至於傳文物展國容莫不先甲而布
甘澤丁辰而廓陰羽和景晏溫卿雲緬緜斯所謂神
抵之心應矣天人之際交矣於是服冕之士載駟之
倫暨藩侯伯黃髮齡背不謀而進曰陛下玄默天
辟輝光日新大矣孝熙四極爰臻誠宜玉版溫潤鏤
鴻明之德神寶煥耀薦萬斯之年丕夫大典不可辭

也陛下猶謙退固拒至于三四群臣不已乃曰俞哉
大徧覆包含之謂仁極深研幾之謂聖憲度著明之
謂文變夷震懾之謂武威而遂通之謂神無思不服
之謂孝臣等不勝大願謹奉玉冊玉寶上尊號曰仁
聖文武至神大孝皇帝伏惟陛下乾健不怠謙尊而
光樂戒其耽禽戒其荒壽乃侔於殷宗俗乃厚於成
康貽燕後昆受福無疆臣德格等誠歡誠躍頓首頓
首謹言

上尊號玉冊文會昌五年

維會昌五年歲次乙丑正月己酉朔一日己酉光祿
大夫守太尉兼門下侍郎同中書門下平章事臣德
裕光祿大夫守尚書左僕射兼門下侍郎同中書門
下平章事臣悰朝議大夫守尚書右僕射兼中書侍
郎同中書門下平章事臣議奏朝議大夫守中書侍
郎兼戶部尚書同中書門下平章事臣崔鉉及文武
百官太中大夫太常卿臣孫簡等六千二百二人言
臣聞在昔周宣檢校內侵四牡薄伐以定王國則詩
人大其功暨于漢宣北夷乖亂呼韓慕義鄧支遠遁
則簡策著其美惟此二代俱爲中興間者開成之未
星宇如雲蟄飛蔽天先帝威之黎人懼焉乃授至聖

遺大授艱迄茲成功厥有異數伏惟仁聖文武至神
大孝皇帝表應龍翼粹合乾剛神全而正氣凝宇定
而天光發智燭千里動必察微心鏡萬機抑來斯應
於是三材用四維張建中和之極綴前聖之綱重樞
機脩法制刑御家之理無出壺之言銷說邪遠佞幸
絕背公之黨退好徑之人內嚴體貌增堂陛之峻外
絕締交去輔車之勢古所謂受命於天惟舜獨正也
又曰一心定而萬物服惟陛下得之曩者北狄矜功
耗盡中國種類磨牙根柢封殖異術肺腑縞衣如荼
挾邪作蠱浸淫宇內倒懸不辭百有餘年旣而龍祠
埏滅携國款塞質帝女感海疆有狼顧平城之心鯨
吞咸洛之志爰命梟將奉旗剛梅兵鏖穹廬火烈荆
榛颺芻糗碎輜輶六虜遁逃貴王生遂剋滅妖迹剿
除醜類故名王結髮冠帶入臣堅昆稽首觀譯來獻
而又姦臣放命二紀陸梁據太行之固下窺各邑通
故絳之道旁晚近關樹其遺孽以竊兵柄議者僉曰
精甲十萬積穀十年衆魚不察湯網宜懸陛下雄斷
霆聲群疑氷釋揚清風而掃雲鼓迅雷而破山任馮
異則拔天井而振上黨仗具漢則發突騎而窺邯鄲
壺關夫險山東奪饒屬有戍邊叛將竊義參墟人心

搖蕩異議放肆陛下臨朝而言曰二寇獲罪於天予所不捨末三旬而定晉地歲暮年而滅溺子不以金購稀將多降不勞師克無首馳報非至德感物孰能臻於此乎由是台宰有辟藩屏將帥上言曰成伐東夷而肅懷來賀景剪七國而王室乃安莫不始於武功終致刑措將以禋上帝薦祖宗宜受鴻名以答玄貺陛下猶謙遜而五讓之勤請弗已乃屈已以俞之雲漢爲章所以昭法度也神明其德所以成教化也巍乎有功帝堯之則也勤于大道玄祖之訓也臣等不勝大願謹奉玉冊王寶上尊號曰仁聖文武章天成功神德明道大孝皇帝伏惟陛下不有其名以保其成不德其功以戒其盈享嚴宗之福致周道之平熙我王度玉振金聲臣德裕等誠歡誠躍頓首頓首謹言

仁聖文武至神大孝皇帝真容讚并序

仁聖文武至神大孝皇帝御極之五載氣應天和德感人心朝廷四方感一於正以精蕩侵以道勝殘故得風雨時若蠡螟歲息銷鋒宇爲休氣驅戎狄爲懷人北荒堅昆重譯而至厥有箝伐憑阻弄兵陸梁肅頌既伐風沙自靜武功既成德昭明前古未聞百

王莫致之事皆歲稔於圖謀矣皇上以爲大禹叙九疇敬五事豈不曰貌恭則莊視明則止予欲作續傳照審其儀形且夫聖人潛心於天以通神明先定其神而萬物理矣昔之訪具茨期姑射在此而已况乎廣成之戒抱一玄元之去多欲予所貴道良謂是矣豈敢夫係風之言奇彼淖冰之術從僂佺之所珍遺先舜之令命各哉於是圖輕素寫良金擬鑑形於止水若凝視於清鏡五彩彰穆穆皇皇居列仙之館近玄祖之光蓋以昭燕翼之謀顯丕承之德矣臣聞古之至聖必有奇相是以黃熊之瑞應於龍體赤精之符協於圖表頎然而長文王所以新天命也體貌多奇漢高所以威海內也然則續事之徵極於微肖至於天光時清日光明潤非可圖也庶幾龜馬末臣奉詔敢賜言曰

唐運中與天授大君軒輶其武先煥其文北伐擒拓朔漠消氛西伏堅昆稽首稱臣授生靈開盜起河汾沈機先物雄斷解紛克定群慝竟全大勳八表旣寧萬機益勤爰命彩績載模天真崑閬仙峯峻極秋旻遂瀛白日光照清晨涵育如天尊嚴若神輝赫網緼爲龍爲雲聖作物覩楨祥以臻宜光孕靈虞熙載甄

政建中和金聲玉振太階既平廟器乃陳化下以德
持盈以仁四濟宗海衆星拱辰億萬斯年藻明日新

李文饒文集卷第二

會昌一品制集

紀功

幽州紀聖功碑銘

異域歸忠傳序

點墨斯朝貢傳序

幽州紀聖功碑銘并序 奉敕撰

幽州盧龍軍師檢校尚書右僕射張公仲武往年修
獻捷之禮今年有銘勲之請二者君子題之豈不以
諸侯有四夷之功獻其戎捷春秋舊典也宗周納爾
憤之貢銘於楮矢天子令德也斯可以爲元戎衆可
以爲後代法聖上嘉其勲而中禮乃命宰臣採其元
功傳於惇史臣德裕敢颺言曰夫兵者所以除暴害
也愛人則惡其爲害禁暴則惡其爲亂雖麻智不殺
化之以神至德允懷招之以禮然書有損夏之戒傳
有脩刑之訓虞舜四罪乃成大功文王一怒以至無
侮非德教之助歟仁聖文武章天成功神德明道大
孝皇帝熙我文典煥乎光明極象外之微臻於至道
鼓天下之動致於中和慮必鈞深退而藏密故能神
機獨照伐未兆之謀威光遠震制不羈之虜當其時
也烽燧迭警羽書狎至人心大搖群師沮氣皇帝以

李文饒文集卷第一

軒后之威神漢高之大畧光武之雄斷魏祖之機權合而用之以定王業此議臣所以不敢望於清光也俾式天地應而品物生君臣應而功業成故龍躍而雲從鸛鳴而子和方杼伐獫狁剋米咸安遠擊車師西域振服宜有良將殿于朔邊張公禮園戰器書成傳辭張仲孝友子孺塞泉流落不偶先景未耀明主雅聞奇志將帥而將將軍遙推赤心築壇而命元帥非自雄武授之前門果能精誠奮發策慮偏億千里默籌一心憂國則知龍顏尊將任人傑而不疑日角好謀歎敵國而強意回鶻者本北狄之裔也或曰獯狁或曰山戎五帝所不能臣三王所不能制前史載之詳矣晉薛延陀之敗也昔帥吐迷度率衆款塞太宗幸靈武納降立回鶻部落置瀚海都督因我封殖遂雄北方肅宗之戡內難也業謨以射鵰之士親護我旌亦由羌羣率師以翼周北貊梟騎以助漢旣殄大憝乃嚆厥庸特拜兼護司空歲賜緡二萬疋厥後節宗女以配之立宮室以居之其在京師也瑤祠雲構甲第基布棟宇輪奐衣冠縞素交利者風偃扶邪者景附其甥庚貴種則披我文績帶我金犀悅和音賦珍膳竭蠶上國百有餘年旣而傑驚無親天命

不祐僭侈極欲神道惡盈本國存飢畜產耗半黠夷斯因秋乘便遂焚龍庭區落蕭條陰燐青焚今之烏介可汗亡逃失國竊號沙漠非我冊命自烏假王其來也奚漫陰山睥睨高闕玄塞之下氛霧蔽天質貴主以前驅傾大國而求援或弓我米糴抹其飢人或邀我甲兵復其故地外雖柔服內有桀心因行人致詞徽呼韓故事願居光祿塞急保受降城其下有二部曰赤心宰相那頡頏特勒赤心者天性忿鸞戎焉尤盛初與名王嗚浚斯首謀內附俄而負力怙氣潛圖屬階爲嗚浚斯所給誘以俱謁可汗戮於帳下其衆大潰東逼漁陽上乃賜公璽書授以方畧公以室常悍重之兵近我邊鄙俾其偵邏且禦內侵尋以徵後不供爲虜所敗由是介馬數萬運亘幽陵伏精甲於松楸布穹廬於磧鹵散若飛鳥止如長雲火燎於原不可嚮邇公激義氣以虹貫義精誠而石開奇計兵權密授聖俊乃命介弟仲至與裨將游奉宸王如清左敵萬卒君慶張自榮高守素李志操率銳兵三萬建旆而前介冒雪照戈矛林植命以義殉壯由師直聲隆隆而未洩欲逐逐而不食戰以聽命嚴而有威公曰險道傾反且馳且射胡兵所以無敵也致之

平原勒以方陳我師可以逞志也於是據于赤平環以武剛首尾蛇伸左右翼張輕騎既合奇鋒橫驚如摧枯株如搏畜免擣擊者弗取陸梁者皆仆虜王侯貴人計以千數然後盡羅服聽悉數系繫谷靜山空靡有孑遺索馳駛風澤而散旃牆蜀幕野

馬牛幾至於谷量虜血殆同於川決徑踏寶刀祭天金人奇貨珍器不可殫論乃命從事李

馳傳

上奏又命牙門將國從紀繼獻戎俘皇帝受而勞之群臣畢賀昔長平七征驃騎一舉竇憲合氏戎之衆陳湯搃城郭之兵或生靈滅耗士馬物故或邊功林罪矯命專征然猶告類上帝薦功清廟願視二漢不其恩歟以公威動蠻貊功在漏刻因命公爲東面招撫回鶻使先是奚契丹皆有虜使監護其國貴以歲遺且爲漢謀自回鶻嘯聚靡不鳴張公命裨將石公緒等諭意兩部戮回鶻八百人雖介子討罪於龜茲班超行誅於鄯善未足儔也回鶻又遣宣門將軍等四十七人說辭結歡偕伺邊隙公密路其下盡得陰謀且欲馳入五原大敗雜虜公逗留其使緩彼師期竟得人病馬瘠縮鋤而退挫銳解紛緊公善計今爲介自絕皇澤莫敢近邊并丁令以圖安依康居而求

活盡餘種屈意黑車寄託遠道流離飢凍黑軍亦倚其威重迫脅諸戎造謀藉兵解仇交質自謂約裔深入漢料取而未期渡幕輕留三師往而非利公以壯猷遠馭長討羈縻不始避憚之便終致盡敵之術將時動而得雋豈歲數而勝微矧乎明主仗將師爲爪牙視戎狄爲鼠鼯方獵猛敵不翫細娛非周宣無以成召虎之勲非漢宣無以聽管平之計曷哉上將先我中興公前後受降三萬人特勒二人可汗姊一人都督外宰相四人其他侯王騎將不可備載王褒以日逐歸德稱爲人瑞班固以稽落盪寇大探天聲孰若天子神武百蠻振懼乘其感困臨以兵鋒刈單于之旗納休屠之附非萬里之伐無三年之勤巍乎成功輝焯後代宜刻金石以揚鴻休銘曰

大和之初赤氣宵興開成之末彤雲暮凝異鳥南來胡徵之滅北夷颺掃厥國土崩逼迫遷徙震我邊鄙長蛇去穴奔鯨失水上都薊門兵連千里曾不畏天猶爲驕子焉我邊轍邀我三師假我一城建彼播旗歸計強漢郅支嫚詞狼顧朔野伏蕃見誅鴈門之北羗戎雜處澌澌群羊茫茫大國縱其梟騎驚我牧圉暴若豺狼疾如風雨皇赫斯怒羽檄徵兵謀而淵默

斷乃雷聲沉機變化動若神明沙漠之北虜無隱情
漁陽突騎燕歌壯氣赴赴元戎眈眈虎視金鼓警衆
千旄蔽地爰命介弟屬之大事翩翩飛將重我三軍
稟元之制代師之勤威畧大烈胡馬星分戈回白日
劍薄浮雲天街之北旄頭已落絕轡之野蚩尤未縛
俾我元侯恢弘遠畧取彼單于係之徽索陰山綏烽
亭徽寨弓萬里昆吾九譯而通蠻夷既同天子之功
儒臣篆美刊石垂鴻

異域歸忠傳序

會昌二年四月甲申回鶻大特勒唱沒斯率其國特
勒宰相尚書將軍凡十二人大首領三十七人騎士
二千一百六十八人內附制授嗚沒斯特進檢校工
部尚書左金吾衛大將軍同正封懷化郡王其酋帥
徧加戎秩賜之金紫於是穹廬之長盡識漢儀左袒
之人咸披王澤矣臣聞書載率服美大舜之功詩
列既平顯周宣之德暨漢宣帝亦單于慕義呼韓來
朝歷紀數千稱者三代則知非常之運必待非常之
君誠契感通斯爲難遇伏惟仁聖文武至神大孝皇
帝紹高祖太宗之神武纂玄宗憲宗之遠畧英才天
縱武節霆馳靜深之謀淵然若海先難之志屹然若

山自嗚沒斯歸欵朔遠注心魏闕制置大畧盡出宸
算漢高從善能用六奇光武撫情坐知千里諸將無
率旗之効群臣乏借箸之籌夫天以信而成功地以
定而載物惟大君慈一德法兩儀故能懷異俗之心
盛中興之業嗚沒斯者回鶻之貴酋也夙稟正性生
知大義識倚伏之數明禍福之機回鶻運屬天亡歲
久不稔畜產大耗國邑爲虛流亡徧於沙漠僅什機
於草莽由是國之將帥各率支兵或入西戎或歸諸
部惟嗚沒斯精誠上達天誘其衷拔自狼居之山願
拜龍顏之主封章瀝懇指日誓心不奪之誠介如石
矣先是有赤心宰相桀傲亂常頗爲遠患嗚沒斯潛
布誠款於天德軍使田牟暴其罪狀梟首以徇歸大
國明也戴聖君忠也去亂邦智也執醜虜義也其比
四夷悉謂誠臣昔仲凡之魯參孝因爲陳君臣父子
之義以著孝經今聖主以嗚沒斯忠愛採武義貞烈
士以爲歸忠傳則聖人著誘之道又何以加於此乎
廼集秦漢以來至聖朝去絕域歸中國獲名節自著
功業保終者三十人勒成上下兩卷其不因獻款無
迹可稱者今並不載臣又聞著者天報之以福爲不
善者天報之以殃神道昭晰應如影響嗚沒斯方欲

保大節成大勲宜乎佩服斯文以爲鑒戒臣備位台
鉉獲奉宸謀受詔序事冠于篇首

黠戛斯朝貢圖傳序

昔越裳貢雉薦於宗廟西旅獻獒陳以典訓所以感
其至而戒其初也仁聖文武至神大孝皇帝御曆之
四年天瑞燦爛王道昭焯五材並用六轡斯柔布政
宣室以張神化報兵朔野以耀威靈故得天晡而清
日晏而明蟲螟不生嘉穀以成中寓旣安四夷來庭
由是龍荒君長黠戛斯遣使注吾合素等上表獻良
馬二疋絕大漠而貢赤誠涉流沙而露赭汗非至德
所感孰能臻於此乎皇帝以前有鸞旂焉用騏驎不
貴龍友帷駕鼓車乃令其使見於內殿賜以珍膳錫
之文錦謹按故相魏國公賈耽所撰古今四夷述黠
戛斯者本堅昆國也貞觀二十一年其酋長入朝授
以將軍印科堅昆都督逮于天寶季年朝貢不絕暨
中國多難爲回鶻隔礙黠戛斯忿其禁鴞乘彼存飢
於是破龍庭焚芻幕蕭條萬里地無種落始得出重
泉而見白日披氛霧而覩青天臣伏見太宗謂群臣
曰南荒西域自遠而至其故何哉宰臣房玄齡對曰
殊域來朝者中國乂安帝德遐被所致也太宗曰向

中國不安亦何緣而至朕觀此懷懼何者昔秦始皇
并吞六國漢武帝威加戎狄今殊方異類無遠不賔
竊比秦漢想無多愧亦欲傳之子孫念二王之末途
朕所以不能不懼爾臣伏思太宗往日之懼致我唐
百代之隆則聖祖詒謀可謂深矣此太宗所以永保
鴻名爲受命之祖陛下所以丕承上業爲中興之主
豈不宜哉天旨以賈耽有陳平鎮撫之才得充國通
知之敏其所述作該明古今乃詔太子詹事常宗卿
秘書少監呂述往蒞賓館以展私覲稽合同異視縷
闕遺傳胡貊堯離之音載山川曲折之狀條貫周備
文理洽通臣伏以貞觀初中書侍郎顏師古上言昔
周武王天下太平遠國歸款周史乃集其事爲王會
篇今萬國來朝蠻夷率服實可圖寫請撰爲王會圖
有詔從之臣輒因肅宗卿呂述所紀異聞飾以續事
敢叙率服以冠篇首

李文饒文集卷第二

李文饒文集卷第三

會昌一品制集

制

宣懿皇太后祔太廟制

宣帝改名制

遣王會等安撫回鶻制

討回鶻制

討劉稹制

授王宰兼充河南諸軍攻討使制

授劉沔招撫回鶻使制

授張仲武東西招撫回鶻使制

宣懿皇太后祔太廟制 奉教撰

門下朕近因載誕之日展承顏之敬太皇太后謂朕

曰天子之孝莫大於承人倫之義莫重於嗣續穆

宗膺聖文惠孝皇帝厭代已久星霜屢遷彌宮曠合

食之禮惟帝深濡露之感宣懿皇太后長慶之際德

冠後宮夙表沙麓之祥實茂河州之範先朝恩禮之

重中壺莫借况誕我嗣君續承宣宗已協華於先帝

方延祚於後見恩廣詒謀廣弘博愛愛遵舊典以慰

孝思當以宣懿皇太后祔太廟穆宗膺聖文惠孝皇

帝室率是鼻訓其敬承之朕祗奉慈旨載深感咽宣

示中外咸使知聞主者施行

仁聖文武章天成功大孝皇帝改名制

王者照臨萬寓名堂尚於難知敬順五行理宜避於勝伏微諸前史義實炳然昔炎漢之興洛陽去水所都名號猶乃避之况我國家運昌土德豈可以王氣勝於君名所以憲宗繼明之初實已捨水必有其數叶於禎祥漢宣帝柔服北夷弘宣祖業功德之盛侔於周宣御曆十年乃從美稱朕遠惟大漢之事近慕聖祖之謀爰擇嘉名式遵令典敬承天意永保鴻休宜改名爲炎仍令所司擇日分命宰臣告天地宗廟其舊名中外表章不得更有回避布告遐邇咸使聞知

遣王會等安撫回鶻制 奉教撰

敕自古令王撫寧荒服忠於國者則有繼絕之恩順於道者則有固存之義所以厚其嚮化優以報功回鶻累代姻親久修臣禮服我聲教保茲信誠嘗以國難識其忠良嚴霜見其貞松疾風知其勁草永言勳力豈忘予懷如聞馬紇圻斯所攻矢折衆叛畜產大耗國人存飢流離轉徙遠踰沙漠近因太和公主遣使入朝已知新立可汗寓居塞下告窺請命未有所

歸每念艱危載深憫惻今欲抹郅窳困撫慰瘡痍使四方知朕不忘舊勳保其大順昔匈奴乖亂呼韓款塞漢宣帝轉粟賑救權而施宜故得三代稱藩北邊罷警前令典可不務乎宜令右金吾衛大將軍兼御史大夫王會持節充安撫大使宗正少卿兼御史中丞李師偃充副使專往慰問仍賑米粟二萬石俾期安輯離散漸就漢南再復舊疆永保恩好宣示中外宜體朕懷

討回鶻制 奉宣撰

門下夫天之所廢難施繼絕之恩人之所棄當用侮亡之道朕每思前訓豈忘格言回鶻比者自恃兵強久為桀驁凌虐諸部結怨近降紇圪斯潛師挐掃穹廬尾解種族盡膏於原野區落遂至於荆榛今可汗亡逃失國竊號自立遠逾沙漠寄命邊鄙朕深念哀殘尋加賑卹每陳章表多詐詖之詞接我使臣如全盛之日無傷禽哀鳴之意有困獸猶聞之心去歲潛入朔川大掠牛馬今春掩襲振武逼近城池可汗皆自率勁兵首為寇盜不耻破敗莫顧姻親河東節度使劉沔料敵伐謀乘機制勝獲胡貊之騎以為前鋒舉翊一本作翊漢世謂漢之旗戈彼在穴短矢鏖於

帳下元惡軼於設中汎乘匪六羸衆總一旅儲糧已竭計日可擒太和公主居處不同情義久絕懷土多畏函聞黃鵠之歌失位自傷寧免綠水之歎念其羈苦常軫朕心今者脫於豺狼再見宮闕上以撫宗廟之宿憤次以慰太皇太后之深慈未言歸寧良用欣感其回鶻既以破滅義在剪除宜令諸道兵馬並同進討河東立功將士以下優賞續次條流處分應在京外宅及東都修功德回鶻並勒冠帶各配諸道牧官其回鶻及摩尼等莊宅錢物等並委功德使與御史臺京兆府各差精強幹事官點檢收錄不得容諸色職掌人及坊市富人輒有影占如有犯者並當極法錢物納官摩尼寺僧委中書門下即時條疏聞奏於戲昔漢宣帝位匈奴乖亂推亡固存呼韓單于攜國歸命入朝保塞漢后所以有擁護之恩鄧支單于背叛禮義傷毀威重漢史所以明可誅之罪二虜禍福皆自取焉四夷百蠻宜以為鑒布告中外深體朕懷主者施行

討劉稹制 奉宣撰

門下定天下者致風俗於大同安生人者齊法度於畫一雖晉之樂趙家有舊勳漢之韓黥身為佐命至

於干紀亂律罔不梟夷禁暴除殘古今大義劉惔填
居海岱嘗列牙爪屬師道阻兵六師問罪三面開網
一境離心棄此危機遂能歸命還崇嘉其誠款授以
南燕榜崇待以腹心委之上黨招致死士固護一方
逮於末年已虧臣節劉從諫生稟戾氣動扇剛風因
跋扈之資以專封壤恃紀綱之律以逞驕恣暫晨執
珪之儀終無上綬之請隙駒爲樂魏豹姑務於絕河
井蛙自居孫述頗聞於巴蜀大受亡命妄作妖言中
訶朝廷潛圖左道輒謀動戎師屢奏陰謀顧者知之
可矜豈泉魚之是察豈乎沉眉魯靡哀鳴猶駐將盡
之魂恣行邪僻之志罔惑舊校樹立校童中使挾醫
莫觀其朝服近臣銜命不入於壘門逆節甚明人神
共棄其贈官及先所授官爵并劉稹在身官並宜削
奪成德軍節度使王元逵魏博節度使何弘敬或姻
連王室或任重藩維懇陳一志之誠願揚九伐之命
吳漢任職受詔而初無懈嚴卜式朴忠未戰而義形
於內况成德軍嘗以驍騎橫衝首破朱滔戰勢方酣
再回魯陽之日鼓音不怠三周不注之山魏博軍亦
以大旆涉河竟殲師道建十二郡之旗鼓以列降人
削六十年之厲階盡歸王化士賈餘勇軍有雄名必

能稟節侯之指蹤成著亮之心伐洛汝二師朕尤注
懷元達守本官克北面招討澤潞使弘敬守本官克
東面招討澤潞使潞府曩者烈祖在藩先天啓聖符
瑞昭晰績事煥於泗亭鑒輅巡游金石烈於代邸寔
焉可封之俗久爲仁壽之鄉艱難以來頗著誠節必
非同惡感許自新其昭義軍舊將士及百姓等如保
初心並赦而不問昭義軍舊大將等如能舍逆效順
以州郡兵衆歸降者必厚加封賞如能擒送劉稹者
別授土地以振勲庸其村鄉百姓如所在團結歸順
者亦加爵賞劉惔下鄆州舊將校子孫及劉從諫近
招致將士等喻以善道宜聽朕言凡秉義亡名須明
太順未有忠於所奉上悖君親昔卻至有言受君之
祿是以聚黨有黨而爭命罪孰大焉田橫能得士心
人多致命伏於海島莫敢招枉及漢高召之奔走向
關豈營遁拒漢使留止田橫唯慕殉以成仁不相挺
而作亂故得其王歿延殊寵光顯令名爾等既有義
心宜思改悔如能感喻劉稹束身歸朝必當待之如
初特與沈雪爾等舊校亦並甄酬仍委吏行劉汚茂
元各務進兵同力攻討其諸道進軍並不得焚燒廬
舍發掘丘墓搶執百姓以爲得囚桑麻田苗皆許本